

XXXV. 34
Vorzeichnuß/

Des Aller Durchlauch-

tigsten/ Großmächtigsten/ Vhnüberwindlichsten/
Fürsten/ vnd Herrn/ Herrn Matthiae, Erwöhlten Römischen

Kayser: Auch zu Hungern vnd Böhem/ ic. König/ Erzhertzogen zu

Osterreich ic. Beschehen Einzug zu Regenspurg/ auff dem

Reichstag den 4. Augusti Anno

1613.



Gedruckt zu Augspurg/ bey Johann Schultes/
Im Jahr 1613.

1800
Gottfried Wilhelm Leibniz
1646-1716
Göttingen
1700



Leibniz, Gottfried Wilhelm
1646-1716





Nach dem die Herren Chur vnd
Fürsten/ auch andere anwesende Bi-
schöffe Herrn Ritterstandts/ so wol
auch die Stadt Regenspurg vernommen / daß
ihr Kay. May: von Linz auß Osterreich / nach
Traubling so ein Meilwegs von Regenspurg ge-
legen/ mit dero Kay. Gemahl/ vnd gankem Hoff-
läger allbereit ankommen/ vnd dern Käys. Ein-
zug/ auff folgenden Sonntag/ als den 4. Augusti
vmb 12. Uhr zu Mittag/ zu vollenden vorhabens /
hat der Stadtrath grosse Stück vnd andere klei-
ne Geschütz auff die Thürn vnd Wähl stellen/ da-
mit ihr Kay. May. zu gratuliren vnd empfahen/
neben dem haben sie auch ihr Bürgerschaft/ wels-
che in 8. Fendlin getheilt/ schön vnd herlich ge-
putzt gewest/ auffgeführt/ von welchen 2. vor das
Thor/ da der Einzug geschehen sol/ auff jede Sei-
ten eines geordnet worden/ vom Thor an/ in der
Stadt biß zur Thumkirchen/ sein von den andern
4. auff jeder Seiten lociert worden/ vnd endlich

bey der Thumkirchen/ die letzten zwey/ in völliger
Schlachtordnung gehalten/ Ihr May. 2c. Zu
dero Ankunfft/ zur Kirchen mit einem Salve an-
zunehmen/ vnd zu empfangen. Als sie bemelten
Sontag umb 2. Uhr kommen/ sein die Herren/
Geistliche Churfürsten/ Bischöffen vnd andere
Herren/ vnd Ritterstands/ so anwesent/ vnd sich
bey ihr Churfürst. Gn. von Nentz gesamlet/ mit
grosser Solennitet, vnd ihrem besten/ vnd präch-
tigen Schmuck vñ Kleinoten/ an Ross vnd Man
zur Stadt hinnauff begeben/ vnd ohne gefehr
ein Viertelmeilwegs von der Stadt ihr Kayf.
May. angenommen/ alda die bemelte Churfürst.
Fürsten/ Bischöffen vnd andere Herren/ von ihren
Rossen abgestiegen/ vnd die Kay. May: die bey
der Kayserin' ab dem Wagen gesessen/ so halten
lassen/ vnd auch abgestiegen/ vnd etwan bey 6.
Schritten/ den Churfürsten/ 2c. entgegen gan-
gen/ empfangen/ in Empfangung aber/ haben ihr
Kayf. May: den Hut in der Hand gehalten/ her-
nach aber/ alsbald wider auffgesetzt/ vnd die An-
nehmung der Churfürsten/ so wol des gantzen
Römischen Reichs von dem von Nentz angehört/
ihr Kay. May: darauff selber geantwort/ nach
vollenter Antwort/ haben sich ihr May. zu Ross
begeben/ auff bemelte Churfürsten/ Fürsten/ Bis-
schöffen/

schoffen/ vnd andere fürnehme Herrn/ haben sich
endlich der Kayserin Wagen zugenahet/ allda
die Kayserin/ so im Wagen gesessen/ vnd abgestie-
gen/ angenommen/nacher seind alle Ritterschaff-
ten/ der anwesenden Reichsständen/ vor dem
Kayser vnd Kayserin/in nachgesetzter Ordnung/
fürübergeritten/ Als:

Erstlich vnd anfanglich/ seind 2. Trommegeritter/nach
ihnen 30. Pferd/ von allerley vermischten Farben.

Zum 2. zweien Trommegeritter/ vnd 24. Corbiner Reuter/
so ihre Piken auffrecht gehalten.

Zum 3. der Chur: Fürst: vnd Bischöffe Stalparthey-
en/ 36.

Zum 4. seind 9. Edelknaben in Roter Lieberer geritten
gar schlecht/ der Landgrafen 9.

Zum 5. in Purpurfarber Lieberer/ so schwarze Hüt rot
vnd weisse Federn gehabt/ dem von Trier zugehörig/ 60.

Zum 6. ein vntermischte grawe / blawe/ vnd rote Lie-
berer/ 50.

Zum 7. seind geritten ohne Lieberer/ 30.

Zum 8. Edelknaben mit blau Kleessen Wammestern/
vnd schwarz Sammeten Lieberer/ vnd Hosen/auch anhangen
Ketten geritten/ so den Landgrafen zugehörig/ 12.

Zum 9. seind nach diesen 2. Trommegeritter/ mit schwarz
vnd weisser Lieberer/ welchen in gleicher Lieberer gefolgt/vnd
dem von Cölln zugehörig/ 82.

Zum 10. dessen von Wens Edel Knaben/ vnd Stal-
parthey/ in schwarz vnd brauner Lieberer/ darauff die Pferd
in gleicher Lieberer/ 60.

23

Zum 11.

Zum 11. dessen von Salzburg Corbiner Reuter / mit
schwarz vnd gelber Liberey / vnd 1. Trommeter. 33.

Zum 12. dessen von Colln / 1. Trommeter / vnd seine
Corbiner Reuter mit schwarz vnd weisser Liberey / 27.

Zum 13. seynd 3. Trommeter geritten / welchen 24. vom
Adel auff's prächtigste mit Ketten vnd Kleynodien gezieret / so
dem von Trier zugehört / gefolget / 27.

Zum 14. widerumb 3. Trommeter / denen 30. Edelleut /
so auff's schönste vnd herrlichste gekleidt gewesen / vnd dem von
Mainz zugehört / gefolget / solchen seynd 2. Thumbherrn
nachgeritten / 35.

Zum 15. abermaln 3. Trommeter vnd 30. Edelleut / so
dem von Speyer vnd Nischiet zugehört / auch herrlich / präch-
tig vnd stattlich / 18.

Zum 16. seynd 2. KesselPaucken / vnd 6. Trommeter
kommen / welche dem von Mainz gehört / vnd 50. Ross bey
ihnen ansehrlich vnd polit.

Zum 17. der Herrn Chur: Bischoffen vornembste Rā-
the / Edelleute vnd Herrn / 58. Pferd / gar schön vnd stattlich /
mit angehenkten güldenen Ketten vnd Kleynodien / welchen
6. Trommeter vngeritten.

**Summa der Reichstände Ross /
so dem Kayser entgegen gezogen /
thut 640.**

**So weit reichet der Chur vnd Fürsten / Bis-
choffen / vnd der anwesenden Reichständen Ritterschafft / so
den Kayser / den 4. Augusti zu Regenspurg einbegleitet.**

Fol

Folget des Kayfers bey sich habende Rit-
terschafft/so mit Ihr May. kommen / vnd sich bey
Seraubing gesamlet/welche die Reichsstände in allem gar
weit vbertrossen/ist gegen einander wie Sonn vnd Mond ge-
west/vnd wann des Kayfers Volck den Einzug nicht
geziert / were es ein schlechter Einzug ge-
west/wie folget:

Zum ersten seynd 2. Glieder Trommeter / in jeglichem
Glied 7. geritten/mit roth vnd weisser Liberey/ Hüte/ derglei-
chen Federbüschen/auff Oesterreichisch / welche sehr künstlich
geblasen / 14.

Zum 2. drey Einspenniger mit schwarz vnd gelber Li-
berey/auch dergleichen Federbüschen. 3.

Zum 3. des Kayfers Quartirmeister allein.

Zum 4. Oesterreichische Edelleut / so auffs schönste mit
Kleidung vnd Ketten geziert gewest/36.

Zum 5. ein wolgebuster Hungar mit einer Copey vnd
vmbhangenden Luchshaut/Herrn Georgen von Landaw zu-
gehörig/1.

Zum 6. seynd 55. Leibross auffs aller prächtigste / mit
allerschönsten Satteln / darvon nicht gnugsam zu schreiben/
vnd anderer Zierde von Edelgestein vnd Kleinodien gefolget/
welche den Herrn auß Behem/Schlesien/vnd Mehren zuge-
hört/55.

Zum 7. nach diesem seynd kommen/ in roth vnd weisser
Liberey/auch dergleichen Federbüschen / so bemeldten Stän-
den zugehört. 213.

Zum 8. Herren von Tiefsenbach / Edelknaben in brau-
ner

ner Liebercy/ in Tuch/ wie auch dergleichen Federbüschen ge-
ritten/ 9.

Zum 9. Herrn Grafen von Fürstenb. Obersten Hoff-
maisters Edelknaben vnd Edelleut/ in tuncfelgrüner Lieber-
cy/ vnd schwarzen Federbüschen/ 18.

Zum 10. der Kayf. Räthe/ auch sonderliche Edelleut/
20.

Zum 11. widerumb in rot vnd weisser Farb/ Reutterey/
ober 150.

Zum 12. ihr Kayf. May: Stallknecht/ in schwarzen
Liebercy mit gelben Strichen/ vnd dergleichen Federbü-
schen/ 24.

Zum 13. zween Trommeter in gemelter Liebercy/ wel-
chen 2. gefolgt/ deren einer gleich einem Affen/ welcher ein
rotes Köcklein angehabt/ auff der Achsel gehalten/ der ander
hinder ihme einen Luxen sitzen gehabt/ 4.

Zum 14. des Kayfers Leibross/ welche prächtig gepunkt
gewest/ 48.

Zum 15. die Edelknaben/ mit schwarz/ gelb/ vnd weis-
ser Liebercy/ alles von Sammet vnd Seyden/ Spanischen
Pareten/ darinnen ihr schwarz/ weisse vnd gelbe Federbü-
sche/ auch auff schönen Türckischen Kossen gesessen/ auff
welchen von Golt/ vnd Perlen/ gestickte Sättel gelegen ge-
ritten/ 24.

Zum 16. Einer/ ihr May: die Lansken in voller Rü-
stung/ auff welcher Sturmruht/ ein vberaus grosser Feder-
busch von schwarz/ gelb vnd weissen Federn geführt/ 1.

Zum 17. ist wider einer in völliger Rüstung geritten/ 1.

Zum 18. ist der Edelknaben Præceptor, mit 2. Ross bes-
reitern geritten/ 3.

Zum 19.

Zum 19. Seynd die zween Heerpauker/mit 18. Trom-
metern/alle in schwarz/gelb vnd weisser Liberoy / von Sam-
met vnd weissen Taffet geritten/20.

Zum 20. die Truchessen/Hoffdiener / Junge Behmi-
sche/Desterreichische/Schlesische/vnd Mehrische Herrn vnd
Edelleut/der bey 80.

Zum 21. die Böhmishe/Desterreichische / Schlesische
vnd Mehrische Landherrn / auff das prächtigste / welches mit
Verwunderung zu sehen gewesen / was für ansehnliche Klei-
dung/Ketten/vnd Kleinodien/sie vmb sich gehabt / auch was
für ansehnliche Keyer vnd Paradeisbüsch / ohne die andere/
so auff den Rossen gesteckt/sie in ihren Hüten geführt / vnter
welchen die zween Herrn von Tiefsenbach / Herr Sigmund
vnd Herr Friderich/dann auch Herr Hans von Zshurenhauf/
vber alle andere Herrn am prächtigsten auffgezogen/das man
vor güldenem Posament/keinen Zeug an Wammes vnd Ho-
sen erkennen können. Auff der Seiten der Herrn ist Herr Hoff-
Marschalek auff vnd nider geritten/vnd das Regiment in der
Hand gehalten. Kopf 63.

Zum 22. seind Graffen geritten/ die Herrn Graffen die
Jüngern von Fürstenberg.

Zum 23. Herr Graff Georg Friderich von Hollach/vnd
Herr Graff von Mansfeldt/ Röm. Kay. May. Trabanten
Hauptman.

Zum 24. Der Hungarisch vnd Behmisch Cankler. 2.

Zum 25. Herr Landhoffmeister auß Behem / Herr A-
dam der Jünger von Wallstein/ gar allein.

Zum 26. Herr Oberster Hoffmeister / Herr Graff von
Fürstenberg/ Herr Oberster Stallmeister/ Herr Maximilian
von Liechtenstain/ Herr Oberster Cammerer von Reggaw.

W

Zum

Zum 27. Die Zween Landgrafen auß Hessen/ vnd Darmstatt/ neben ihn Herzog Carl Friderich/ von Münsterberg/ auß Schlesiens/ ohn gefehr von 18. Jahren.

Zum 28. Der Churfürst von Thier allein geritten/ in einem langen Damascenen schwarzen Rock.

Zum 29. Die 5. Ehrholden/ der Bngerisch/ Böhemisch/ vñ Desterreicher mit einander/ vñ die 2. Reichs Ehrholden auch mit einander in ihren Habit.

Zum 30. der Erkmarschalck/ Herr von Wappenheim/ so in einem schwarzstaffeten Kleid auffgezogen/ hat ihr May. das Schwerdt vorgeführt.

Zum 31. Seind ihr Keyf. May. in einem weisse Goldstückenen Kleid/ welches von Perlein/ vnd Edelgestein/ verembte Perten gehabt/ vnd einen weissen Huet/ mit einem weissen Kegerposch/ auch einen von Pomeranken geschnittē Sammeten Mantel / so mit weissen Goldstück gefüttert gewest/ ein silbernes Kappir/ vmb sich habend güldines Plüß/ auff einem falben Kopf/ welchs Zierde vnd Zaum/ so wol auch der Sattel/ alles von Perlen vnd Edelgesteinen gestickt gewest/ geritten/ neben ihm auff der seitten/ sein die Trabanten in ihrer goldgelben/ schwarz/ vnd weisser Lieberer/ auffhabenden sammeten Perten/ vnd dergleichen Federpuschen gangen.

Zum 32. sein die zween Churfürsten Mainz vnd Cölln/ auch in schwarzen Damascenen Pfaffen Röcken geritten.

Zum 33. ist die Kayserin in ihren Brautwagen so vberguld gewest/ gefahren/ auff welchen oben auff/ ein auffgerichtetter Löw von Silber/ vnd einer vbergulden Kron gestanden/ inwendig hat die Kayserin/ in einem schwarzen sammet/ mit silbern Posament vberzogen/ geseßen/ bey ihr die Hoffmaisterin/

ein/ die Guescher ihre goldstickene Kleider/ welche sie auff
der Hochzeit angetragen/ gehabt.

Zum 34. ist Herr von Lamberg/ der Kayserin Hoff-
maister vnd Santsir/ vnd hinter ihnen 2. Kammer Diener
geritten.

Zum 35. der Kayserin ihr Frawenzimmer/ vnd 4.
Wägen.

Zum 36. die Hörtshier/ in schwarz/ gelb vnd weisser/
von Sammet gemachter Liberer/ schwarzen Hüten/ vnd
schwarz/ gelb vnd weissen Federpuschen.

Zum 37. 3. Kayf. Curier mit ihren angehengten Ad-
ler Zeichen.

Zum 38. allerley schlechte Reuterey bey 20. Rossen.

Zum 39. des Kayfers Leibwagen.

Zum 40. des von Mainz/ Cölln/ vnd Trier Leib Wä-
gen/ auch andere Fürsten/ Bisch offe vnd Herrn/ der vber
200. gewest.

Als nun Ihr Kayf. May. der Ordnung
nach an das Stadt Thor kommen/ hat der Stadt
Rath mit einem gelb Damaskenem Himmel vnd
den Schlüsseln / stehend gewartet / an welchem
Himmel gefessen ein grosser zwifacher Adler ge-
macht gewest / Auff den Stangen des Himmels
seynd kleine doppelte Adler / von Silber vnd ober-
güldt gemacht worden / welchen Himmel sechs
Rathsherrn getragen. Zu Ankunfft des Kayfers
aber / seynd die Stück auff den Pasteyen loß ge-

B ij


brandt

brandt worden / vnd Herr Stadt Cammerer mit
Oberantwortung der Schlüssel zu Ihr May. ein
kleinen Sermon gethan / dieselbe empfangen / vnd
wegen der Stadt Regenspurg angenommen / da-
rauff Herr Reichs Vice Kanzler von Blm an statt
Ihrer May. geantwortet / welches alles auff das
längst ein Viertelstund geweret. Nach diesem al-
lem / ist der Himmel ober Ihr May. gezogen / vnd
zum Thor hinein bis zur Thumkirchen durch die
Stadt begleitet worden. Wie Ihr May. nicht wol
recht zur Kirchen kommen / haben die zwen Sänd-
lein / welche bey der Kirchen in ihrer Schlachtord-
nung gehalten / ein Salve geschossen / Darnach hat
die Cleriken / welche auff der Stiegen der Kirchen /
mit einem rothen Himmel gewartet / Ihr May.
auch empfangen vnd angenommen / vnter wel-
chen 6. Bischoffe gewest.

Wie nun der Kayser sampt der Kayserin in
die Kirchen kommen / ist die Kirchen als bald ge-
sperrt worden / Vnd weil sich die Bursch so hart
zur Kirchen gedrungen / haben viel Borneme von
den Trabanten Schläge einnehmen müssen / in der
Kirchen ist das Te Deum laudamus gefungen /
die Orgel geschlagen / vnd der Kayser vnd Kayse-
rin vorm Altar kniend vom Bischoffe zu Regen-
spurg

spurg/neben welchem zween andere Bischoffe ge-
standen/die Benediction empfangen. Nach diesem
seynd in gemeldter Thumkirchen/alle Glocken ge-
leitet / vnd letztlich Ihr May. auß der Kirchen/
durch die Pfortkirchen/in den Bischoffhoff/in ihre
Lofamenten begleitet worden. Da seynd die Stück
zum andern mal los gebrandt worden / als aber
Ihr Kay. May. zu Tisch gefessen/zum dritten mal.
Nach solchem allen seynd die Chur- vnd Fürsten/
Bischoffe vnd Herrn/widerumb ihrem Lofament
zugezogen/vnd ist der Kayf. Einzug vmb 6.
Uhr auff den Abend beschlossen wor-
den. Geben ut supra.






Des All
tigsten/ Großmä
Fürsten/vnd Herrn/
Kaysers: Auch zu Hur
Osterreich etc. Be
Reich



Gedruckt zu A



34
lichsten/
Römischen
hogen zu
dem



tes/

